



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1863

LI. Markgraf Johann genehmigt den Verkauf von Reberg an das Kloster zu
Jericho, am 12. September 1313.

Nutzungsbedingungen

[urn:nbn:de:hbz:466:1-55861](https://nbn-resolving.org/urn:nbn:de:hbz:466:1-55861)

L. Des Klosters Leitzkau Fraternitätsbrief für das Kapitel zu Quedlinburg,
vom 23. September 1311.

Inelite domine . . . abbatisse . . . preposite . . . Decane necnon totique collegio ecclesie sancti Seruatii in Quedelicheborch, Johannes, prepositus et archidiaconus, H. prior totusque conuentus ecclesie lyzekenfis orationem in filio virginis gloriose. Quum omnes morimur et quasi aque non reuertentes dilabimur ita quod non possumus eos, qui nobis positi sunt, terminos preterire. Ideo secundum apostolicum documentum necesse habemus, nos tamquam fraternitatis amatores mutuis orationibus preuenire, vt pariter in odore vngentorum domini currentes aquas veri gaudii indefinenter hauriamus de fontibus saluatoris. Cum igitur exigente pie deuotionis affectu, quem ad monasterium nostrum percepimus vos habere, petitionem vestram benigno et hylari recipientes assensu, Damus vobis plenam fraternitatem et plenariam participationem omnium honorum, que fiunt et de cetero domino cooperante in Monasterio nostro fient, in vita nostra pariter et in morte, In missis, In vigiliis, In ieiuniis, elemosinis et orationibus et aliis bonis operibus et quando dies obitus Sororum vestrarum nobis intimatus fuerit, XXX^{ta} missas in conuentu celebrabimus et in speciali missas, psalteria et alias orationis pro eis, quemadmodum pro omnibus nostram fraternitatem habentibus facere consueuimus, faciemus integre et complete, quod similiter nobis et nostris apud vos fieri petimus et optamus. Ut autem hec donatio a nobis et posteris nostris Inviolabiliter teneatur, presens scriptum super eo confectum nostro et nostri conuentus sigillis firmiter est munitum. Datum anno domini M^o CCC^o XI^o, In sequenti die beati Mauricii.

Nach dem Original im Königl. Preb.-Archive zu Magdeburg.

LI. Markgraf Johann genehmigt den Verkauf von Reberg an das Kloster Jericho,
am 12. September 1313.

Ad memoriam rei geste sempiternam. Ne ea, que aguntur in tempore, simul cum fluxu temporis dilabantur, expedit, eadem, prout ordinauit sapientium industria, firmo litterarum testimonio perhennari, vt sic perhennata posterorum noticie deferantur. Hinc est, Quod nos Johannes, dei gracia Brandenburgensis, misnensis et Lusacie marchio, perpendentes, quantum boni et lucri prodeat in vita eterna, ex hiis, que diuino cultui exhibentur, ob nostram salutem et in remissionem peccaminum nostrorum progenitorum dedimus, damus, donauimus et liberaliter per prefencium seriem litterarum donamus Ecclesie beate marie virginis gloriose in Jericho et eiusdem pastoribus, videlicet honorabili viro wernerio, eiusdem Ecclesie preposito ceterisque dominis ipsius Ecclesie eorumque successoribus vniuersis proprietatem ville Reberge, quam Idem dominus prepositus wernerus erga famosum virum dominum Conradum de Krakow, militem, de pleno consensu omnium suorum canonicorum debito et consueto emptionis contractu pro vtilitate dicte Ecclesie sibi credite comparauit cum omnibus suis attinenciis, scilicet agris, cultis et incultis, lignis,

aquis, pratis, pascuis ac aliis vtilitatibus vniuersis ex nunc et perpetuis temporibus absque omni seruitio communi seu priuato et absque omni exactione, precarie seu preangarie solito proprietatis titulo possidendam, pro qua proprietate a nobis data Idem dominus prepositus nobis octoginta marcas Brandenburgensis monete et ponderis nobis dedit ac plenius persoluit. Sic itaque mittimus per presentes eundem dominum prepositum ceterosque dominos ipsius Canonicos in possessionem dicte ville, Renunciantes simpliciter eciam omnibus Juribus, actionibus, Jurisdictioni et proprietati, que nobis in dicta villa hactenus competebant. Addicimus eciam, si Idem dominus prepositus et sui Canonici molendina in ipsa villa vel infra metas terminorum dicte ville attinencium construere vulerint, hoc oportune sibi et suis concanonice licebit. Et ne huiusmodi nostra donacio per nos rite facta queat a nostris heredibus aut successoribus in posterum aliquo modo violari, presentes litteras de nostro iussu et certa sciencia super eo editas in premisse donacionis euidentis testimonium et robur perpetuo valituum, presentibus testibus Idoneis hinrico et frederico de aluenfleue, fratribus, hinrico Schenken, lodewico de wantzleue, droysekone, dapifero, militibus, domino Johanne, preposito de Sehufen, Bertoldo de dobrun, hermanno de arneborch, nostro protonotario et aliis pluribus fide dignis, dedimus nostri Sigilli munimine roboratas. Datum in Werbelino, anno domini millesimo trecentesimo XIII, quarta feria Infra octauas beate marie virginis gloriose.

Aus dem Copiarium No. 32 Zericho p. 11—13 im Königl. Prov.-Archiv zu Magdeburg.

LII. Das Kloster Leitzkau überweist Renten einem seiner Mönche, am 27. Juli 1314.

In Nomine domini Amen. Quum omnia facta hominum per diurnam successionem temporis euanescent, vtili compertum est cautela et necessarie procuratum, vt super donacionibus proprietatum instrumenta conficiantur auctentica, Quibus, cum oportunum fuerit, questio tollatur dubii et mera veritas comprobetur. Proinde nos Johannes, dei gracia prepositus lytzkenfis, totumque capitulum eiusdem ecclesie Notum esse volumus tam presentibus, quam futuris, Quod de vnanimi consensu Indicto ad hoc capitulo vendidimus et donauimus fratribus Kalendarum, ad quorum confraternitatem nos pertinemus, ad altare In honore Beati Johannis Ewangeliste et Sancti Nicolai consecratum In nostra ecclesia, vbi singulis diebus missa dicitur pro salute fratrum viuorum et defunctorum, tria talenta denariorum In lytzka datiuorum, Qui dabuntur In locis et terminis infrascriptis, Scilicet de duabus vineis, sitis iuxta opidum litzka, Quarum vna vocatur domini camerarii Et alia domini Geronis de wluen, de Qualibet In festo Beati Martini X solidi, Et in eodem opido de tribus curiis, Quarum due site sunt iuxta cimiterium et vna, que dicitur Crutgarde, que in festo beati Nicolai I talentum erogabunt, videlicet de duabus curiis IIII solidos Et de ea, que dicitur crutgarde, VI solidos, Item In festo Beati Johannis baptiste In decitz villa X solidi et in villa Quast X solidi dabuntur, Eo modo et iure, quo ipsos possidemus et recepimus, dicto altari perpetuo appropriantes. Qui quidem denarii decano fratrum Kalendarum in temporibus prenotatis presententur Et ab eodem decano singulis ebdomadibus dominis nostris dictum altare officiantibus dicti denarii diuidentur Ita, ut anno finito numerus denariorum finiatur: Et si in vna ebdomada